

| | | | |
|--|---|-------------------|------|
| ČOAHKKINÁIGI | 24.9.2009 diibmu 10.00 – 11.00 | | |
| ČOAHKKINBÁIKI | Gielddadállu, gielddaráđđehusa čeahkkinatnja | | |
| ČOAHKKINLAHTUT (ja merken das, guhtemuš doaimmai ságadoallin) | | Mielde | Eret |
| | Porsanger Veikko, ságadoalli | x | |
| | Länsman Inger, várreságadoalli | x | |
| | Manninen Terttu | x | |
| | Guttorm Urho | | x |
| | Lohi Juha | x | |
| | Länsman Vieno | x | |
| | Somby Uula P. | | x |
| EARÁT, GEAD LEDJE MIELDE (ja mieldeorruma vuodđu) | Heikki Niittyvuopio, áššegiedahalli | x | |
| | Tapani Tapiola, čálli | x | |
| | Raimo Hekkanen, Gr ovddasteaddji | x | |
| LÁGALAŠVUOHTA JA MEARRIDANVÁLDI 53 § | Mearráduš: Gávnnahuvvo lágalažžan ja mearridanválddálažžan | | |
| BEAVDEGIRJJI DÁRKKISTAN- VUOHKI (Dárkkistanáigi ja -báiki sihke dárkkisteaddjiid válljen dahje merken ovddit beavdegirjji dárkkisteamis) 54 § | Mearráduš: Beavdegirjji dárkkisteaddjin válljejuvvoba Juha Lohi ja Vieno Länsman | | |
| | Juha Lohi | Vieno Länsman | |
| BEAVDEGIRJJI VUOLLÁIČÁLLIN JA NANNEN | Ságadoalli | Beavdegirjedoalli | |
| | Veikko Porsanger | Tapani Tapiola | |
| | Báiki ja bvm Ohcejohka | | |
| | Virgesajádat | | |

Bargoortnega dohkkeheapmi

55 § Evttohus: Dohkkehuvvo čoahkkinbovdehusas ovdanbuktojuvvon bargoortnet.

Mearrádus: Lasihuvvojit beavdegirjái § 62 ja § 63. Dohkkehuvvojit čoahkkinbovdehussii dahkkon lasáhusat ja dohkkehuvvo bargoortnet.

Panorámageinnodaga ovdačielggadanfidnu

56 § Fidnojodiheaddji Antero Isola lea álggahan barggustis 1.9.2009. Fidnu bargoplána lea nannejuvvon dán jahkái stivrenjoavkku čoahkkimis 14.9. Fidnojodiheaddji lea lágidan diehtujuohkin- ja gullandilálašvuodaid. Fidnu lea vuolgán johtui plána mielde. Fidnu lea bargan čanasjoavkkuiguin eatnamiid dárkkisteami giliid geinnodagaid oasil.

Čoahkkimii lei bivdojuvvon Antero Isola buktit ovdan panorámageinnodaga ovdačielggadanfidnu.

Antero Isola mitalii panorámageinnodaga ovdačielggadanfidnu birra.

Evttohus: Fidnojodiheaddji čilge Fidnu johtui bidjama ja buktá ovdan čoahkkimis Fidnu čadaheapmái laktáseaddji eará áššiid. Lávdegoddi addá dárbbu mielde rávvagiid ja nisttiid fidnojodiheaddjái ja stivrenjovkui Fidnu čadaheamis.

Mearrádus: Dohkkehuvvo evttohusa mielde.

Addojuvvo diehtun: Antero Isola

Ohcejoga giliid láhttuid ja dálvedáhpáhusaid ovddidanfidnu

57 § Ealáhusdoaimma lea čállán fidnoplána Ohcejoga giliid láhttuid ja dálvedáhpáhusaid ovddideami várás.

Fidnu áigge ovddiduvvojit ja huksejuvvojit dálveturismii laktáseaddji testenláhttofierpmádagat ja dálvevázzingeinnodagat, sihke dasa laktáseaddji bálvalanbuktagat.

Doaimma vuodđuduvvá ođđa innovatiiivvalaš infra očcodeapmái, buvttovddideapmái, testenjoavkkuide ja dárbbášlaš márkanfievrrideapmái.

Ulbmilin lea ráhkadit suorggi fitnodatdoalliide doaimmi ovttasbargofierpmádaga vai čuoiganláhttut ráhkaduvvojit ja dasa laktáseaddji láhttopola vuolggahuvvo, dálvepakeahtat hutkojuvvojit ja gasuheaddji dáhpáhusat hábmejuvvojit.

Fidnu doaimbaidjun riegáda Ohcejoga giliide golbmalogi (30) kilomehtera ođđa testenláhttofierpmádat ja 15 kilomehtera merkejuvvon dálvevádjolangeinnodagat.

Dán ovddidanfidnu testenláhttut ja dálvevádjolangeinnodagat ráhkaduvvojit ovddidanbarggu olis fitnodatdoalliid ja giliid ássiid oktasašdoaimman.

Fidnu boadusin šaddá láhttopola-vuogádat ja dan doaimmas guoddá ovddasvástádusa searvi dahje fitnodat, mii fidnu maŋŋá doallá čuoigan- ja vádjolanláhttuid rabasin ja ortnegis. Fidnus ráhkaduvvo dárbbášlaš fitnodatdoaimmanplána. Fidnus ovddiduvvo dálveturismma márkanmáhtolašvuolta ja dahkkojuvvojit dárbbášlaš márkanfievrrandiehtojuohkingihppagat.

Fidnu vehkiin hutkojuvvo ođđalágan jurddašuvuohti sámi ealáhusaid ođasmahttima ja sámi kultuvrra ovddideami ja dan dorvvasteami várás maiddái čuoivvovaš buolvvaide suvdinnávccalaš ja bissovaš vugiin. Fidnu lasiha giliid gaskasaš ovttasbarggu turismma birrajagáš doaimmama očcodeami várás.

Dáinna fidnuin ovddiduvvojit bálvalusat nu, ahte dahkko vejolažžan infrastruktuorra huksen báikkálaš nana beliin ja vejolašvuodain, mainna ráhkkanuvvo boahhtevuođa hástalusaide.

Fidnu vehkiin hábmejuvvojit fitnodatdoaimma vuodđoeavttut dálá giliin doaimmi turismafidnodagaid viiddidaninvesteremiidda ja ođđa bálvalanbuktagiid ovddideami várás.

.../...

Ohcejoga giliid láhtuid ja dálvedáhpáhusaid ovddidanfidnu
.../... 57 §

Fidnu vehkiin ovddiduvvo sámi kultuvrra ja dorvvastuvvo sápmelaš fitnodatdoalliid doaibmaneavttut. Fidnuin Ohcejoga turisma ovddiduvvo birrajagi doaibmin ja dorvvastuvvo turisma doaibmaneavttut.

Fidnu ollašuhtho jagiin 2010–2011. Oppalašgolut lea 194 250 euro, mas jahkái 2010 leat golut 88475, boadut 70 700, nuba das gieldda nettoruhtadanoassi lea 17 695. Fidnu vuolggahuvvo 1.1.2010. Fidnu lea oassi ealáhuslávdegotti bušehtas jagis 2010 ja ekonomiiaplánas jagiin 2011-2012.

Evttohus: Lávdegoddi bivdá gielddaráđdehusas fidnu vuolggahanlobi 1.1.2010, jos ruhtadeapmi juolluduvvo fidnus oaivvilduvvon vugiin ja dat gokčojuvvo ealáhusdoibmii várrejuvvon mearreruđain.

Čoahkkimis addojuvvon nuppástusevttohus: Fidnu álggahuvvo 1.4.2010. Goasttádusat jahkái 2010 leat 66.355 euro ja jahkái 2011 105.775 euro, oktiibuot 172130. Ealáhuslávdegoddi bivdá gielddaráđdehusas lobi dahkat ruhtadanohcamuša nu, ahte fidnu sáhtta álggahuvvot juos ruhtadeapmi ožžojuvvo nu mo lea ohccojuvvon ja dat gokčojuvvo ealáhusdoibmii várrejuvvon mearreruđas.

Mearráduš: Dohkkehuvvo nuppástusevttohusa mielde. Ealáhuslávdegoddi bivdá gielddaráđdehusas lobi álggahit fidnu.

Addojuvvo diehtun gielddaráđdehussii.

Ealáhusčálli doaimma deavdinlohpi jahkái 2010

58§ Ealáhusčálli doaimma lea mearreáigásaš ja dat nohká 31.12.2009. Ealáhusdoaimma bargguid dikšun gáibida goittotge guokte ollesáigásaš bargi. Dálonguovlohálddahusa áššiin gielddas lea ovddasvástádus boazodoalu eiseváldibargguin ja gielda rávve dálonguovlohálddahusa ja eanadoalu doarjja- ja eará sierrabargguin. Ealáhusčálli lea báhcimin ealáhahkii 1.7.2010. Son lea dikšon iežas bargguid oasseáigásažžan 1.8.2005 rájes. Sutnje lea čoggon buhtejeaddji friddjavuođat ja jahkeluomut nu, ahte son báhcá eret barggus jagi 2009 bealde. Fitnodatdoaimbama rávven ja gilibálvalusaid ovddideapmi gáibidit bargiresurssaid. Ealáhuslávdegoddi evttoha bušehtti mearreruđa várrema ealáhusčálli bálkáhangeluide.

Evttohus: Ealáhuslávdegoddi bivdá gielddaráđdehusas ealáhusčálli doaimmii deavdinlobi 1.1.- 31.12.2010 gaskasaš mearreáigái.

Mearrádus: Dohkkehuvvo evttohusa mielde. Bivdojuvvo gielddaráđdehusas ealáhusčálli doaimma deavdinlohpi.

Addojuvvo diehtun gielddaráđdehussii.

Turismarávven jagis 2010

59§ Turismarávvena lágideami várás ealáhusdoibmii várrejuvvo mearreruhta nu, ahte turismarávven dikšojuvvo luondostobus ovttasrádiid Meahciráđđehusain. Turismarávvenii várrejuvvo 8 mánotbaji bargiresurssat nu, ahte turismarávven lágiduvvo doaibmabáikkiin, main Meahciráđđehus lea fárus seamma sturrosaš bargimeriin go gielda.

Ovttasbargošiehtadus turismarávvena lágideami várás beaiváduvvo, das váldo vuhtii gieldda beales boahtti nuppástusat.

Evttohus: Jagis 2010 Ohcejoga gielda ollašuhtá turismarávvena ovttasrádiin Meahciráđđehusain.

Bargi bálkáheapmái ohcco bargguidahttindoarjja.

Mearrádus: Ealáhuslávdegoddi mearridii várret 3 bargománotbaji Gáregasnjárgii ja Ohcejohkii 6 bargomanotbaji.

Eará hohpolaš áššit

61 § ELMA lágiduvvo dán jagi 10. háve ja Vihreä viikonloppu (Ruoná vahkoloahppa) nuppi háve.

Dálonguovlomeassuin lágiduvvojit 5 sierra meassut oktanaga. Meassofáttát lea juhkkovuvvon čuovvovaš vugiin;

ELMA - šibihat, lági dáfos buori borramušgálvvut ja hárvanaš herskot, turisma ja albma dálonguovlovuoigŋa

Duodji - áidnalunddot skeaŋkajurdagat ja dárbašat odđa astoáiggeájanasa álggaheami várás ovdal juovlaskeaŋkasesoŋŋa

Vuovdi - oppa vuovddi doaibmasuorgi lea ovdan, suorggi fitnodagat ja ámmátlaččat, diehtujuohkinbottut, seminárasáhkavuorut ja Vuovdelávddi suohtas prográmma

BARGGA IEŠ – fállá geavaheaddjiide rávvagiid ja dárbašiid iežas ruovttu ordnemii, sihkkarastimii ja stohpogálvvuid restaureremii

Electric Motor Show – šleađgabiillaid. –mohtorsihkkeliid, -skohteriid ja šleađggain johtti mopedaidda ja mopobiillaid ovdanbukti odđa meassodáhpáhus ruoná árvvuin berošteaddji gussiide.

Jagi 2009 ELMA-meassuid guosseeanagoddin lea Lappi, mii bukto ovdan meassogussiide stuorámuš oktalaš Lappi-ossodagas (800m²), mii Meassoguovddázis (Messukeskusis) leamašan goassege Lappis. Ossodagas fárusleahkki suorggit leat *luonddubuktagat, borramušgálvvut, boazodoallu, duodji, industriija, kultuvra, sápmelašvuohta ja almmolaš hállddahus*. Lappi-ossodagas lea oinnolaš márkanfievrrideapmi, sihke lappilaš mediain ja maid báikkálaččat Helssegis. Earret eará Metro-áviissa almmustuhtto sierra Lappi-čuovus, mii juksá sullii 460 000 lohkki sihke televišuvnnas ja Helsingin Sanomat –áviissa meassočuvvosis guosseeanagoddi lea nannosit ovdan. Lappi-ossodagas lávlot ja čuojahit riikka beakkámuš, Lappis eret leahkki dáiddárat ee. Jope Ruonansuu, Suvi Teräsniska ja Antti Tuisku ja maid sámi popmusihkka ovdanbukti Jiella.

Meassuid 2008 statistihkat

- Gussiid mearri 36 200
- Čájáhussii biddjit 256 st. (ob. 611 st.)
- Čájáhusviidodat 2382 m² (ob. 6738 m²)
- 79 % gussiin bođii oaivegávpotguovllus, 12 % Uusimaas ja 9 % eará sajiin Suomas
- Gussiid gaskaahki 43 jagi ja 64 % nissonat
- Gussiin 94 % ja čájáhussii biddjiin 90 % ledje duđavaččat dáhpáhusii ollislašvuohtan
- Gussiid mearrái ledje duđavaččat 91 % ja gussiid láhkái 85 % čájáhussii biddjiin

-
- Gussiin 89 % ja čájáhussii biddjiin 81 % bohtá sihkkarit / vuordimis maiddái bohte jagi
 - 37 % gussiin doalai dánjagáš Elma buorebun go diimmá
 - ELMA-meassuide vuosttažettiin bohtán gussiid (44%) mielas deháleamos sivat bohtit meassuide:
 - geahččat ealliid 81%
 - oastit buktagiid 46 %
 - ohcat dieđuid suopmelaš borramušas 55 %
 - ohcat dieđuid Suoma turismačuozáhagain 46 %
 - ohcat dieđuid dálonguvlui fárremis 18 %
 - Čájáhussii biddjiid mielas buoremusat ollašuvve:
 - Buvttaválljašumi ovdanbuktin (100%)
 - Fitnodaga imago ráhkadeapmi (98 %)
 - Ođđa buktaga dahje bálvalusa lanseren (96 %)

Válmmaštalli evttohus: Gieldda vuolgá ELMA-meassuide Helssegii Lappi-ossodahkii, jos Ohcejoga gielddas almmuhit vuolgimis unnimustá 5 fitnodaga dahje fitnodatdoalli. Almmuhusaid vuolgiin berre dahket ealáhusdoaimmahakii 30.9.2009 rádjai.

Evttohus: Dohkkehuvvo válmmaštalli evttohus.

Mearráduš: Dohkkehuvvo válmmaštalli evttohus.

Eará hohpolaš áššit

62§ Panorámageinnodatfidnu stivrenjoavkku dievasmahttin

Geinnodatfidnu stivrenjoavku evttoha, ahte ealáhuslávdegoddi nammada fidnu stivrenjavkku lahttun luonddumeahcihoavdda Pirjo Seurujärven.

Evttohus: Ealáhuslávdegoddi dohkkeha panorámageinnodatfidnu stivrenjoavkku evttohusa ja nammada Pirjo Seurujärvi stivrenjoavkku lahttun.

Mearrádus: Dohkkehuvvo evttohusa mielde.

Eará hohpolaš áššit

63§ Panorámageinnodaga ovdačilgehusfidnu goasttádusbáiki dárkileabbot

Evttohus: Panorámáfídnui gieldda rehketdollui rahppojuvvo goasttádusbáikki doaimman 6011.

| | |
|----------|--|
| Čuozáhat | Namma |
| 6060 | Ruhtadeapmi/ Panorámageinnodaga ovdačilgehus |
| 6061 | Báلكágolut ja báلكkát |
| 6062 | Oastobálvalusat |
| 6063 | Láiggut |
| 6064 | Riikkasis mátkegolut |
| 6065 | Eará goasttádusat |
| 6066 | Nuvttá dahkkon bargu |
| 6067 | Doarjjagealbbohis goasttádusat |

Mearreruhtavárren 2009

| | |
|---------------------|------------|
| Báلكkát | 14000 euro |
| Oastobálvalusat | 3000 euro |
| Láiggut | 1000 euro |
| Mátkegolut | 1000 euro |
| Eará manut | 1000 euro |
| Mearreruđa sirdimat | |
| 6009-4303 3000 E | 6011-4303 |
| 6009-4303 1000 | 6011-4420 |
| 6009- 4303- 1000 | 6011-4940 |

Mearrádus: Dohkkehuvvo evttohusa mielde.

Addojuvvo diehtun rehketdollui ja Antero Isolai.

Ságadoalli loahpahii čoahkkima dmu. 11.00